

ხელშეკრულება № 98

სახელმწიფო შესყიდვის შესახებ

ქ. ბათუმი

8 / აგვისტო / 2022 წელი

ერთი მხრივ, ა(ა)იპ ბათუმის საბავშვო ბაღების გაერთიანება შემდგომში - „შესყიდველი“, წარმოდგენილი მისი დირექტორის - დავით დიასამიძის სახით და მეორე მხრივ, შპს „ნივე ჯგუფი“ შემდგომში - „მიმწოდებელი“, წარმოდგენილი მისი დირექტორის - ვეფხვია სამხარაძის სახით, სახელმწიფო შესყიდვების შესახებ საქართველოს კანონმდებლობისა და მიმწოდებლის სატენდერო წინადადების საფუძველზე, **NAT220013612** ელექტრონული ტენდერის ჩატარების შედეგად ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი:

1.1 ხელშეკრულების საგანს წარმოადგენს ავეჯი - სავარძლები, საწერი მაგიდები, მაგიდები, საოფისე ავეჯი, ტანსაცმლის საკიდები, უჯრებიანი კარადები, ბაღის ავეჯი, საძინებლის ავეჯი, საწოლები, ლოგინები და სპეციალური რბილი ავეჯი, მატრასები, ბავშვის საწოლები, ტანსაცმლის კარადები, თაროები, სხვადასხვა სახის ავეჯი (CPV-39100000, 39113100, 39121100, 39121200, 39130000, 39136000, 39141300, 39142000, 39143100, 39143110, 39143112, 39143116, 39141100, 39151000) (შემდგომში - „შესყიდვის ობიექტი“);

1.2 შესყიდვის ობიექტის დასახელება, ტექნიკური მახასიათებლები, მწარმოებელი ქვეყანა და კომპანია, განზომილების ერთეული, რაოდენობა, ერთეულის და საერთო ფასები განისაზღვრება დანართი N1,2,3-ით, რომლიც წარმოადგენს ამ ხელშეკრულების განუყოფელ ნაწილს.

2. ხელშეკრულების ღირებულება:

2.1 ხელშეკრულების საერთო ღირებულება შეადგენს **108`880.00** (ასრვა ათას რვაასოთხმოცი) ლარს.

2.2 პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული სხვა დოკუმენტები ქმნიან მოცემულ ხელშეკრულებას და ითვლებიან მის განუყოფელ ნაწილად.

2.3 ხელშეკრულების საერთო ღირებულება მოიცავს, როგორც მისაწოდებელი შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით „მიმწოდებლის“ მიერ გაწეულ ყველა ხარჯს.

3. ანგარიშსწორების ფორმა და ვადები:

3.1 ანგარიშსწორების ფორმა: უნაღდო;

3.2 ვალუტა: ეროვნული ვალუტა (ლარი);

3.3 ანგარიშსწორება განხორციელდება შესყიდვის ობიექტის სრულად მიწოდების შემდეგ, შესაბამისი სასაქონლო ზედნაღებების, საგადასახადო ანგარიშგაქტურის წარმოდგენისა და საბოლოო მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში.

3.4 საავანსო ანგარიშსწორება არ გამოიყენება;

4. მიღება-ჩაბარების წესი:

4.1 შესყიდვის ობიექტის მიღება ფორმდება მიღება-ჩაბარების აქტით, რომელიც დასტურდება შემსყიდველისა და მიმწოდებლის საამისოდ უფლებამოსილი წარმომადგენლების ხელმოწერებით.

5. შესყიდვის ობიექტის მიწოდების ადგილი და ვადა:

5.1 შესყიდვის ობიექტის მიწოდება განხორციელდება:

ა) ხელშეკრულების დადებიდან 30 (ოცდაათი) კალენდარული დღის ვადაში (უქმე და არასამუშაო დღეების ჩათვლით);

ბ) ა(ა)იპ ბათუმის საბავშვო ბაღების გაერთიანების დაქვემდებარებაში არსებულ 21 - ე (ოცდამეერთე) საბავშვო ბაღში – ქ. ბათუმი ლერმონტოვის ქუჩა N89

5.2 მიმწოდებელი ვალდებულია საბავშვო ბაღში მიწოდების დროს შესყიდვის ობიექტი განათავსოს შემსყიდველის მიერ მითითებულ ადგილებზე (სხვადასხვა ოთახებში, პირველ, მეორე და მესამე სართულებზე);

5.3 საქონლის მიღება-ჩაბარების დროს დასაშვებია საქონლის ზომებში $\pm 1\%$ -იანი ცდომილება;

6. საგარანტიო ვადასთან დაკავშირებული მოთხოვნები

6.1 მიწოდებულ საქონელზე საგარანტიო პერიოდი შეადგენს საბოლოო მიღება-ჩაბარების აქტის გაფორმების დღიდან 12 (თორმეტი) თვეს

7. მხარეთა უფლება-მოვალეობები

7.1. შემსყიდველი უფლებამოსილია:

7.1.1. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და

ხარისხის ინსპექტირება.

7.1.2. შესყიდვის ობიექტის მიწოდების დასრულებამდე გამოითხოვოს მიმწოდებლისგან შესყიდვის ობიექტის მიწოდებასთან დაკავშირებული მისთვის საჭირო დოკუმენტი.

7.2. შემსყიდველი ვალდებულია:

7.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

7.2.2. უზრუნველყოს მიწოდებული შესყიდვის ობიექტის მიღება.

7.3. მიმწოდებელი უფლებამოსილია:

7.3.1 მიმწოდებელს უფლება აქვს მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

7.4.1. დაიცვას ხელშეკრულებით გათვალისწინებული ყველა პირობა.

7.4.2. მიაწოდოს შესყიდვის ობიექტი სათანადო ხარისხითა და სრული მოცულობით, იმ ვადაში, რომელიც განსაზღვრულია ამ ხელშეკრულებით.

8. ხელშეკრულების შესრულების კონტროლი

8.1 ხელშეკრულების შესრულების კონტროლი გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

8.2 ხელშეკრულების შესრულების კონტროლს განხორციელებს მეორე კატეგორიის უმცროსი სპეციალისტი - მეთოდოლოგიის დარგში – ნორა ფუტყარაძე;

8.3 ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

8.4 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები . იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს , მის შრომის ანაზღაურებას უზრუნველყოფს თვითონ შემსყიდველი ორგანიზაცია თუ ხელშეკრულებით სხვა რამ არ არის გათვალისწინებული, ყველა გამოვლენილი ნაკლოვანების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს წერილობითი ფორმით.

10. ხელშეკრულების პირობების შეუსრულებლობა

10.1 მიმწოდებელს, ხელშეკრულების პირობების არაჯეროვანი შესრულებისათვის, მათ შორის, ვალდებულების შესრულების ვადაგადაცილების შემთხვევაში დაეკისრება პირგასამტეხლო, ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით;

10.2 მიმწოდებელს, ხელშეკრულების ნაწილობრივ შესრულების საფუძვლით ხელშეკრულების შეწყვეტის შემთხვევაში, დაეკისრება პირგასამტეხლო, შესასრულებელი (დარჩენილი) ვალდებულების შესაბამისი ღირებულების 10%-ის ოდენობით;

10.3 მიმწოდებელს, ხელშეკრულების პირობების საერთოდ შეუსრულებლობის საფუძვლით ხელშეკრულების შეწყვეტის შემთხვევაში, დაეკისრება პირგასამტეხლო, ხელშეკრულების საერთო ღირებულების 20%-ის ოდენობით;

10.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, მხარეთა შეთანხმების საფუძველზე, მხოლოდ ორივე მხარის უფლებამოსილი წარმომადგენლის ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

12. ხელშეკრულების შეწყვეტა

12.1 წინამდებარე ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად თუ მეორე მხარე არ ასრულებს ან არაჯეროვნად ასრულებს ნაკისრ ვალდებულებებს;

12.2 ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა.

12.3 შემსყიდველის ინიციატივით ხელშეკრულების ცალმხრივად შეწყვეტის შემთხვევაში, მიმწოდებელს უფლება არ აქვს მოითხოვოს მიუღებელი შემოსავლისა ან/და ზიანის ანაზღაურება.

12.4 მხარე ვალდებულია არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს ხელშეკრულების ცალმხრივად შეწყვეტის განზრახვის შესახებ.

13. დავების გადაწყვეტა

13.1 ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან საქართველოს კანონმდებლობით დადგენილი წესით.

14. დაუძლეველი ძალა

14.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

14.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14.3 თუ დაუძლეველი ძალის მოქმედება გრძელდება 30 დღეზე მეტ ხანს, მხარეს უფლება აქვს ცალმხრივად შეწყვიტოს ხელშეკრულება.

15. სხვა პირობები

15.1 ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო მეორე შემსყიდველს.

16. ხელშეკრულების მოქმედების ვადა

16.1 წინამდებარე ხელშეკრულება ძალაშია: 2022 წლის 8 აგვისტოდან - 2022 წლის 30 ნოემბრამდე;

17. მხარეთა რეკვიზიტები:

შემსყიდველი:

ა(ა)იპ „ბათუმის საბავშვო ბაღების გაერთიანება“

მის: ქ. ბათუმი, პ. მელიქიშვილის ქ. N42

საიდენტიფიკაციო კოდი: 445 393 510

სახელმწიფო ხაზინა

TRESGE22

ა/ნ 740737005

მიმწოდებელი:

შპს „ნივე ჯგუფი“

მის: ქ. თბილისი, ც. დადიანის ქ., #21-23

საიდენტიფიკაციო კოდი: 400159190

მომსახურე ბანკი: თიბისი ბანკი

მომსახურე ბანკის კოდი: TBCBGE22

ა/ნ GE03TB7770936080100004

მობ: 593 25-73-22

დავით დიასამიძე

ვეფხვია სამხარაძე

დანართი N 1 - ტექნიკური მახასიათებლები

N	საქონლის დასახელება	ტექნიკური მახასიათებლები
ავეჯი დამზადებულია ღია ხის ფერი, ხის ფაქტურისა 18 მმ-იანი ლამინირებული მერქან-ბურბუშელოვანი ფილით, უსაფრთხო პლასტმასის წიბოთი და მომრგვალებული კუთხეებით.		
1	მასალის შესანახი დახურული თარო (მრავლგანყოფილებიანი)	სიგრძე - 100 სმ. სიგანე - 40სმ. სიმაღლე 76 სმ. მარცხენა მხარეს ოთხი თარო, ოთხი ტოლი დანაყოფით. თაროს ზომა- 40x40სმ, მარჯვენა მხარეს სამი განყოფილება.
2	კუთხის თარო	ფერდის სიგანე - 40 სმ. სიმაღლე - 70 სმ. სამსართულიანი თაროს ფერდები შეადგენს 90 გრადუსიან კუთხეს. ყველაზე ქვედა სართული იატაკიდან დაშორებულია 10 სმ-ით, დანარჩენ თაროებს შორის მანძილი არის 35 სმ.
3	მასალის შესანახი ღია თარო (ორსართულიანი)	სიგრძე 100 სმ. სიგანე - 40 სმ. სიმაღლე 70 სმ. ორსართულიანი თარო, ქვედა სართული გატეხილია შუაზე, რომელიც ქმნის ორ განყოფილებას, ხოლო მეორე სართული გაყოფილია სამ ტოლ ნაწილად
4	მასალის შესანახი ღია თარო (ერთსართულიანი)	სიგრძე -125 სმ. სიგანე - 45 სმ. სიმაღლე - 45 სმ. ორსართულიანი თაროს ზედაპირი დაფარულია ხელოვნური ბალახით. ხოლო ქვედა თარო ტიხრებით დაყოფილია 4 ნაწილად.
5	მასალის შესანახი ღია თარო გორგოლაჭებიანი	სიმაღლე - 70 სმ სიგრძე - 80 სმ. სიგანე - 40 სმ. შუაზე გაყოფილი თაროთი, თარო გაყოფილი სამ ტოლ ნაწილად, თარის სიმაღლე ზემოდან 30სმ, ოთხი გორგოლაჭით
6	მასალის შესანახი ღია თარო 6 განყოფილებიანი	სიმაღლე - 66 სმ სიგრძე - 106 სმ სიგანე - 45 სმ 6 თანაბარი ზომის უჯრედი
7	სინათლის მაგიდა (90*50*50სმ)	სიგრძე - 90 სმ.სიგანე - 50 სმ.სიმაღლე - 50 სმ.მაგიდის თავი არის ყუთი, რომელშიც განთავსებულია დღის განათება (ნეონის ნათურები.ზედაპირი გადახურულია თეთრი ორგმინით(ხელოვნური შუშა). მაგიდას ქვევით იატაკიდან 10სმ-ის დაშორებით აქვს თარო. გვერდებიამოჭრილია ოვალურად
8	სინათლის მაგიდა (90*50*60სმ)	სიგრძე - 90 სმ. სიგანე - 50 სმ. სიმაღლე - 60 სმ. თარო იატაკიდან 10სმ- ის დაშორებით

		მაგიდის თავი არის ყუთი, რომელშიც განთავსებულია დღის განათება (ნეონის ნათურები) და ზედაპირი გადახურულია თეთრი ორგანიტით (ხელოვნური შუშა). მაგიდას ქვევით მთელ სიგრძეზე აქვს თარო დანაყოფებით (თანაბარი)
9	ქვიშის მაგიდა (100*55*50სმ)	სიგრძე - 100 სმ. სიგანე - 55 სმ. სიმაღლე - 50 სმ. მაგიდაში ჩადგმულია 15სმ სიღრმის კონტეინერი. შესაძლებელია კონტეინერის ამოღება გასასუფთავებლად, მაგიდას ქვევით აქვს თარო იატაკიდან 10 სმ-ის დაშორებით.
10	ქვიშის მაგიდა (100*55*60სმ)	სიგრძე - 100 სმ. სიგანე - 55 სმ. სიმაღლე - 60 სმ. მაგიდაში ჩადგმულია 15სმ სიღრმის კონტეინერი. შესაძლებელია კონტეინერის ამოღება გასასუფთავებლად, მაგიდას ქვევით აქვს თარო იატაკიდან 10 სმ-ის დაშორებით.
11	უჯრედებიანი თარო (120*40*60სმ)	სიგრძე - 120 სმ. სიგანე - 40 სმ. სიმაღლე - 60 სმ. გატიხრული ოთხ ნაწილად, ზედაპირი დაყოფილი ოთხ განყოფილებად, რომლის სიღრმეა 10 სმ.
12	უჯრედებიანი თარო (120*40*50სმ)	სიგრძე - 120 სმ.სიგანე - 40 სმ.სიმაღლე - 50 სმ.გატიხრული ოთხ ნაწილად, ზედაპირი დაყოფილი ოთხ განყოფილებად, რომლის სიღრმეა 10 სმ.
13	საბავშვო მაგიდა (90*50*50სმ)	ფეხების მასალა ნატურალური ხე სიგრძე - 90 სიგანე - 50 სიმაღლე - 50 სმ. მაგიდას აქვს მომრგვალებული კუთხეები და დგას მყარ ფეხებზე.
14	საბავშვო მაგიდა (110*55*55სმ)	ფეხების მასალა ნატურალური ხე სიგრძე - 110 სმ. სიგანე - 55 სმ. სიმაღლე - 55 სმ. მაგიდას აქვს მომრგვალებული კუთხეები და დგას მყარ ფეხებზე.
15	სამზარეულოს ავეჯი	სიგრძე - 130სმ (ნიჟარის განყოფილების სიგრძე 50,სმ გაზის განყოფილების სიგრძე 50სმ, შუაში 30 სმ. სამუშაო სივრცე) სიგანე - 40 სმ. სათამაშო ზედაპირების სიმაღლე - 50 სმ. საერთო სიმაღლე - 90 სმ.
16	სამზარეულოს ავეჯი ბუფეტით, ღუმელით, ონკანით და სათვსო კარადით	ბუფეტი -უკანა კედლის სიმაღლე- 70 სმ. სამუშაო ზედაპირის სიმაღლე 50 სმ. სიგრძე - 45 სმ. სიგანე - 38 სმ. ღუმელი - უკანა კედლის სიმაღლე 65 სმ. სამუშაო ზედაპირის სიმაღლე 50 სმ. სიგრძე - 45 სმ. სიგანე - 38 სმ. ონკანი - უკანა კედლის სიმაღლე 65 სმ. სამუშაო

		ზედაპირის სიმაღლე 50 სმ. სიგრძე - 45 სმ. სიგანე - 38 სმ. სათავსო კარადა - საერთო სიმაღლე 70 სიგრძე - 45 სმ. სიგანე - 38 სმ. კარადა არის გაყოფილი ტოლ ნაწილად ორი თაროს საშუალებით.
17	წიგნების სათავსო	მასალა ნატურალური ხე მთლიანი სიმაღლე - 110 სმ. კონსტრუქციის მთლიანი სიგრძე - 100 სმ. კონსტრუქციის ერთ მხარეს არის წიგნების თარო, რომელიც ორ განყოფილებად არის გატიხრული, სიგანე - 40 სმ. თაროს სიმაღლე - 30 სმ. კონსტრუქციის ზედა ნაწილი არის ხის ბადე, რომელიც ჩასმულია კარკასში.
18	ბავშვების პორტფოლიოების შესანახი თარო	სიმაღლე - 132 სმ. სიგრძე - 67 სმ. სიგანე - 40 სმ. იატაკიდან 30 სანტიმეტრის სიმაღლეზე არის ერთითარო, შემდეგი ასევე 30 სმ სიმაღლეზე, მესამე დამოუკიდებელი 30 სმ. სიმაღლეზე. თითოეული დანაყოფის სიგანე 7 სმ. თაროს რაოდენობა 32
19	სათავსო ბავშვების ინდივიდუალური კონტეინერებისთვის (80*120*35)	სიმაღლე - 80 სმ. სიგრძე - 120 სმ. სიგანე - 35 სმ. თარო ღია თაროებით, დანაყოფის ზომა 25 სმ * 20 სმ. თაროებში თავისუფლად თავსდება ბავშვების ინდივიდუალური კონტეინერები.
20	სათავსო ბავშვების ინდივიდუალური კონტეინერებისთვის (100*122*38)	სიმაღლე - 100 სმ. სიგრძე - 122 სმ. სიგანე - 38 სმ. თარო ღია თაროებით, დანაყოფის ზომა 25 სმ * 20 სმ. თაროს 32
21	ტანსაცმლის კარადა	კარადა ინდივიდუალური სათავსოებით საერთო სიმაღლე - 106 სმ. სიგრძე - 120 სმ. სიგანე - 35 სმ. იატაკიდან პირველი თაროს სიმაღლე 25 სმ. თარო დაყოფილია 6 ტოლ განყოფილებად, ტანსაცმლის ინდივიდუალური საკიდებით, ქუდისა და ფეხსაცმლის შესანახად. ასევე ზედა მხარეს ბავშვების ინდივიდუალური კონტეინერების ადგილით. დახურული კარებით
22	გასახდელის ჩამოსაჯდომი	სიმაღლე - 26 სმ. სიგრძე - 100 სმ. სიგანე - 40 სმ.
23	საბავშვო საწოლი	ზომები: 64*125 სმ; სიმაღლე თავის მხარეს: 60 სმ; სიმაღლე ფეხების მხარეს: 45 სმ; იატაკიდან გვერდების დაშორება: 25 სმ; საბავშვო საწოლი რამოდენიმე ფერის კომბინაციით. ოთხივე კუთხე გამაგრებული სპეციალური რკინის კუთხოვანებით, შიდა მხრიდან ოთხივე მხარეს შემოყოლებული 3 სმ სისქის მზგ-ის დასაყრდენი, საყრდენზე დამაგრებული შესაბამისი ზომის მზგ. ზედაპირზე შემოყოლებული პლასტმასის 2 მმ წიბო. (ესკიზი: N2);
24	მატრასი საბავშვო საწოლის	ზომა: 60*120*18 სმ; ზამბარებიანი,

		ანტიმოსკიტური, ზამთარ-ზაფხულის ფუნქციით.
25	საბავშვო სკამი პატარა	მასალა: ეკოლოგიურად სუფთა მყარი პლასტმასი; სკამი მთლიანად/სრულად ჩამოსხმული. საზურგე მთლიანად დახურული, ყოველგვარი ნასვრეტებისა და სხვაგვარი სიცარიელების გარეშე; ფერი: ყვითელი, ლურჯი, ნარინჯისფერი, მწვანე წონა: 1500 გრ. სიმაღლე: 48სმ სიგანე: 32სმ (ფოტოს მსგავსი)
26	საბავშვო სკამი დიდი	მასალა: ეკოლოგიურად სუფთა მყარი პლასტმასი; სკამი მთლიანად/სრულად ჩამოსხმული. საზურგე მთლიანად დახურული, ყოველგვარი ნასვრეტებისა და სხვაგვარი სიცარიელების გარეშე; ფერი: ყვითელი, ლურჯი, ნარინჯისფერი, მწვანე, სიმაღლე: 58 სმ. წონა: 1900 გრ. (ფოტოს მსგავსი)
27	საოფისე სავარძელი	ნიკელის ვარსკვლავისებურ გორგოლაჭიან ფეხზე. მაღალი ხარისხის ტყავშემცვლელით, სიმაღლის სარეგულირებელი მექანიზმით, საზურგის საქანელა მექანიზმით. სიმაღლე 117 სმ

დანართი N2 - ფასების ცხრილი

N	საქონლის დასახელება	განზომილების ერთეული	რაოდენობა	ერთეულის ფასი (ლარი)	საერთო ფასი (ლარი)
1	მასალის შესანახი დახურული თარო (მრავლგანყოფილებიანი)	ცალი	16	300	4800
2	კუთხის თარო	ცალი	16	300	4800
3	მასალის შესანახი ღია თარო (ორსართულიანი)	ცალი	10	300	3000
4	მასალის შესანახი ღია თარო (ერთსართულიანი)	ცალი	6	250	1500
5	მასალის შესანახი ღია თარო გორგოლაჭებიანი	ცალი	6	250	1500
6	მასალის შესანახი ღია თარო 6 განყოფილებიანი	ცალი	10	250	2500
7	სინათლის მაგიდა (90*50*50სმ)	ცალი	6	250	1500
8	სინათლის მაგიდა (90*50*60სმ)	ცალი	10	300	3000
9	ქვიშის მაგიდა (100*55*50სმ)	ცალი	6	250	1500
10	ქვიშის მაგიდა (100*55*60სმ)	ცალი	10	300	3000
11	უჯრედებიანი თარო (120*40*60სმ)	ცალი	10	300	3000
12	უჯრედებიანი თარო (120*40*50სმ)	ცალი	6	250	1500
13	საბავშვო მაგიდა (90*50*50სმ)	ცალი	18	150	2700
14	საბავშვო მაგიდა (110*55*55სმ)	ცალი	30	170	5100
15	სამზარეულოს ავეჯი	ცალი	10	300	3000
16	სამზარეულოს ავეჯი ბუფეტით, ღუმელით, ონკანით და სათვსო კარადით	ცალი	6	300	1800
17	წიგნების სათავსო	ცალი	16	300	4800
18	ბავშვების პორტფოლიოების შესანახი თარო	ცალი	16	300	4800
19	სათავსო ბავშვების ინდივიდუალური კონტეინერებისთვის (80*120*35)	ცალი	6	250	1500
20	სათავსო ბავშვების ინდივიდუალური კონტეინერებისთვის (100*122*38)	ცალი	10	300	3000
21	ტანსაცმლის კარადა	ცალი	48	300	14400
22	გასახდელის ჩამოსაჯდომი	ცალი	42	100	4200
23	საბავშვო საწოლი	ცალი	144	70	10080
24	მატრასი საბავშვო საწოლის	ცალი	144	75	10800
25	საბავშვო სკამი პატარა	ცალი	120	30	3600
26	საბავშვო სკამი დიდი	ცალი	180	35	6300
27	საოფისე სავარძელი	ცალი	5	240	1200
ჯამი					108880

დანართი N3 - ინფორმაცია წარმოშობის წყაროსა და მწარმოებლის შესახებ

N	საქონლის დასახელება	წარმოშობის წყარო	მწარმოებელი
1	მასალის შესანახი დახურული თარო (მრავლგანყოფილებიანი)	საქართველო	შპს ნივე ჯგუფი
2	კუთხის თარო	საქართველო	შპს ნივე ჯგუფი
3	მასალის შესანახი ღია თარო (ორსართულიანი)	საქართველო	შპს ნივე ჯგუფი
4	მასალის შესანახი ღია თარო (ერთსართულიანი)	საქართველო	შპს ნივე ჯგუფი
5	მასალის შესანახი ღია თარო გორგოლაჭებიანი	საქართველო	შპს ნივე ჯგუფი
6	მასალის შესანახი ღია თარო 6 განყოფილებიანი	საქართველო	შპს ნივე ჯგუფი
7	სინათლის მაგიდა (90*90*50სმ)	საქართველო	შპს ნივე ჯგუფი
8	სინათლის მაგიდა (90*90*60სმ)	საქართველო	შპს ნივე ჯგუფი
9	ქვიშის მაგიდა (100*55*50სმ)	საქართველო	შპს ნივე ჯგუფი
10	ქვიშის მაგიდა (100*55*60სმ)	საქართველო	შპს ნივე ჯგუფი
11	უჯრედებიანი თარო (120*40*60სმ)	საქართველო	შპს ნივე ჯგუფი
12	უჯრედებიანი თარო (120*40*50სმ)	საქართველო	შპს ნივე ჯგუფი
13	საბავშვო მაგიდა (90*50*50სმ)	საქართველო	შპს ნივე ჯგუფი
14	საბავშვო მაგიდა (110*55*55სმ)	საქართველო	შპს ნივე ჯგუფი
15	სამზარეულოს ავეჯი	საქართველო	შპს ნივე ჯგუფი
16	სამზარეულოს ავეჯი ბუფეტი, ღუმელით, ონკანით და სათესო კარადით	საქართველო	შპს ნივე ჯგუფი
17	წიგნების სათავსო	საქართველო	შპს ნივე ჯგუფი
18	ბავშვების პორტფოლიუმების შესანახი თარო	საქართველო	შპს ნივე ჯგუფი
19	სათავსო ბავშვების ინდივიდუალური კონტეინერებისთვის (80*120*35)	საქართველო	შპს ნივე ჯგუფი
20	სათავსო ბავშვების ინდივიდუალური კონტეინერებისთვის (100*122*38)	საქართველო	შპს ნივე ჯგუფი
21	ტანსაცმლის კარადა	საქართველო	შპს ნივე ჯგუფი
22	გასახდელის ჩამოსაჯდომი	საქართველო	შპს ნივე ჯგუფი
23	საბავშვო საწოლი	საქართველო	შპს ნივე ჯგუფი
24	მატრასი საბავშვო საწოლის	საქართველო	შპს მილანო
25	საბავშვო სკამი პატარა	თურქეთი	IRAK PLASTİK SAN. VE TİC. A.Ş
26	საბავშვო სკამი დიდი	თურქეთი	IRAK PLASTİK SAN. VE TİC. A.Ş
27	საოფისე სავარძელი	საქართველო	შპს ოფის ლაინი

ინფორმაცია ინტერესთა კონფლიქტის შესახებ

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ხელის მოწერით ვადასტურებ, რომ ა(ა)იპ ბათუმის საბავშვო ბაღების გაერთიანების მიერ ავეჯის შესყიდვის მიზნით, შპს „ნივე ჯგუფთან“ 2022 წლის 8 აგვისტოს დადებული სახელმწიფო შესყიდვის შესახებ N98 ხელშეკრულების ზედამხედველობის პროცესში ჩემი მონაწილეობა არ იწვევს ინტერესთა კონფლიქტს.

დირექტორი - დავით დიასამიძე